



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

439. Item alia epistola.

urn:nbn:de:hbz:466:1-14622

fiæ nostræ bullare censuimus. Christus pasto-
rum princeps interventu beati Petri, cui spe-
cialiter ovile dominicum commissum est, fra-
ternitatem vestram ad custodiam sui gregis
diù nobis conservet incolumem. Amen. Π. Υ.
Α. Π. Ρ. Ο. C. Υ. Θ. AMHN. Summa horum
MDXXXIX. Data Treveris Idib. Octob.
anno dominicæ incarnationis DCCCCVI.
Indictione nona. Π. Υ. Α. Π. Δ. Ρ. Δ. Θ.

Item alia epistola.

CCCCXXXIX. Reverentissimo & Ivo par. 6.
sanctissimo Rathbodo sanctæ Treverensis Ec- c. 435.
clesiæ Archiepiscopo Dado Vvirdunensis Ec-
clesiæ devotus gregis Christi famulus in Do-
mino vero Rege summæ felicitatis beatitudi-
nem. Cùm sancta catholica Ecclesia prompta Burchard. lib.
fit sequi documenta evangelica, quæ dicunt: 2. c. 227.
*Qui recipit Prophetam in nomine Prophetæ, mer-
cedem Prophetæ accipiet: & qui recipit justum
&c.* & Apostolus jubeat hospitalitatem sectari
& necessitatibus sanctorum virorum com-
municare; tamen * qui cauteriatam habent * Leg. propter
suam conscientiam, dicentes se esse simplices, eos qui caut.
cùm sint astutia diabolica repleti, & pro opere
pietatis dicunt se de loco ad locum transire,
cùm sint sua malitia faciente fugitivi, & di-
cunt se esse ministerio sacro insertos, cùm non
sint, statutum est à sanctis patribus neminem
Clericum alienum & ignotum recipi ab aliquo
Episcopo, & inthronizari in sua Ecclesia, nisi
habeat à proprio Episcopo epistolam quæ in
canonibus nominatur formata. Ideo notum
facimus paternitati vestræ quòd præsens fra-

Vide supra
cap. 329.

ter noster harum litterarum portitor, nomine Aduinus, non pro sua nequitia expulsus est à nobis; sed postulantibus fratribus nostris, eò quòd ex familia nostra fuit, dedimus ei libertatem receptam à cornu altaris canonicè, & ordinavimus eum ad gradum presbyterij; cui etiam has dimissorias sive commendatitias litteras fecimus, & eum ad vestram dilectissimam fraternitatem dirigimus, ut in vestra parochia sub vestro sacro regimine & defensione consistere valeat. Ego inquam in nomine P. Patris & F. Filij & A. Spiritus sancti, & in unitate sanctæ Ecclesiæ, in qua Petro datum est jus ligandi atque solvendi, absolvo Dado humilis Episcopus Presbyterum Aduinum de civitate Vvirdunensi Indictione IX. & licentiam do vobis, Rathbode venerabilis Archiepiscopo, inthronizandi eum in quacunque Ecclesia vultis vestræ parochiæ. Dilectam paternitatem vestram virtutum floribus insignitam omnipotens Deus conservare dignetur. Amen. P. F. A. P. Δ. A. P. Δ. Θ. D C C L X X V I I I. Data V. Id. Maij anno dominicæ incarnationis D C C C C V I. Indictione IX.

De ordinatione. *Ex epistola Gelasij Papa.*

Decreta Gelasij c. 11.
Ivo var. 6.
c. 74.
*Leg. id est, primi & quarti

C C C C X L. Ordinationes Presbyterorum & Diaconorum, quæ nisi certis temporibus & diebus exerceri non debent, * quarti mensis jejunio, septimi, & decimi, sed etiam quadragesimalis initij ac mediana quadragesimæ die, sabbati jejunio circa vesperam noverrint celebrandas; nec cujuslibet utilitatis seu